

13 MAR 1997

PM ADAKAN PERJUMPAAN TERTUTUP DENGAN BADAN PERHUBUNGAN UMNO JOHOR

JOHOR BA HARU, 13 Mac (Bernama) -- Presiden UMNO, Datuk Seri Dr Mahathir Mohamed, yang dalam rangka lawatan dua hari ke Johor, mengadakan perjumpaan tertutup kira-kira sejam dengan Badan Perhubungan UMNO negeri Johor di Hotel Sofitel, dekat sini.

Pengerusi Badan Perhubungan UMNO Johor, Datuk Abdul Ghani Othman dan Timbalannya, Datuk Syed Hamid Albar hadir sama.

Anggota lain yang hadir termasuk Menteri Belia dan Sukan, Tan Sri Muhyiddin Yassin dan Menteri Penerangan, Datuk Mohamed Rahmat.

Terdahulu itu, kira-kira 300 anggota pemuda UMNO negeri Johor mengadakan demonstrasi secara aman dengan memegang sepanduk di Lapangan Terbang Antarabangsa Sultan Ismail, Senai. Antara sepanduk itu tertulis "Lee Kuan Yew Nyanyuk".

Tindakan itu sebagai mengecam kenyataan Menteri Kanan Singapura, Lee Kuan Yew yang mengatakan Johor sebagai negeri terkenal dengan kejadian tembak menembak, menyamun dan merampas kereta. -- BERNAMA

MKO WAT